



23. juli 2026

Inatsisartut suleriaasianni § 37 imm. 1 naapertorlugu Naalakkersuisunut apeqquteqaatit imaattut matumuuna saqqummiuppakka.

Naalakkersuisunut apeqqutit:

1. Akiliutinut tapiissutinik taarsigassarsianut Inatsisartut inatsisaanni aalajangersarneqartunut tunngatillugu maannakkut qassinik taarsigassarsisoqarpa, makkuninnga agguataarlugit:
 - a) Kommuunit,
 - b) Taarsigassarsiat suussusaat,
 - c) Taarsigassarsiat ingerlasut,
 - d) Kinguaattoorutit,
 - e) Aaqqissuunneqartut,
 - f) Allanngortinneqartut,
 - g) Isumakkeerneqartut,
 - h) Kiisalu akiliinissamut kinguartitsiffigineqarsimasut
2. Inatsisartut inatsisaata ulloq 1. januar 2020 atuutilerneraniit Naalakkersuisut ukiumut ataasiakkaanut qassinik qinnuteqaatinik tigusaqartarsimappat aammalu suliarisarsimappat makkununga tunngatillugu:
 - a) Allanngortitsineq,
 - b) Isumakkeerineq,
 - c) Aammalu akiliinissamut kinguartitsineq,
 - d) Aammalu qinnuteqaatit qanoq amerlatigisut:
 - e) Akuersissutigineqarsimanersut,
 - f) Ilaannakortumik akuersissutigineqarsimanersut,
 - g) Imaluunniit itigartinneqarsimanersut?
3. Qassit allanngortitsinissamik imaluunniit isumakkeerinissamik qinnuteqaatiminnik tamakkiisumik imaluunniit ilaannakortumik itigartinneqarsimappat, qinnuteqartup isertitai ukiumut 180.000 kr.-inik killiliunneqarsimasunik qaangiisimammata? Kisitsisit ukiumut aammalu kommuunikkaartumik agguataarneqarnissaat kissaatiginarpoq.
4. Maannakkut taarsigassarsiallit qanoq amerlatigisut ukiumut akileraarutaasussanik isertitaqarnersut makkuninnga immikkoortillugit:
 - a) 180.000 kr.-it ataallugit,
 - b) 180.000-200.000 kr.,
 - c) 200.001-225.000 kr.,
 - d) 225.001-250.000 kr.,



- e) 250.001-275.000 kr.,
- f) 275.001-300.000 kr.,
- g) Kiisalu 300.000 kr.-it sinnerlugit?

5. Naalakkersuisut naliliinerat naapertorlugu taarsigassarsiallit qassit allanngortitsinissamut imaluunniit isumakkeerneqarnissamut pisinnaatitaaffeqalissappat isertitat killissarititaat makkununga qaffanneqarpat:
 - a) 200.000 kr.,
 - b) 225.000 kr.,
 - c) 250.000 kr.,
 - d) 275.000 kr.,
 - e) 300.000 kr.?
6. Apeqqu 5-imi periarfissat assigiinngitsut atorlugit nunatta karsiata aningaasaqarneranut qanoq aningaasatigut kinguneqassappat? Tassunga atatillugu aningaasatigut sunniutaasussat piffissami qaninnerusumi aammalu ungasinnerusoq isigalugu naliliiffiqineqarnissaat kissaatiginarpoq.
7. Inatsisartut inatsisaata atuutilerneraniit Naalakkersuisut nalilersuisimappat imaluunniit misissueqqissaarinikuuppat, ukiumut isertitat killissarititaasup 180.000 kr.-iusup ullutsinni Kalaallit Nunaanni inuuniarnikkut atukkat eqqarsaatigalugit sulit naleqquttuunersut? Taamaassimappat misissueqqissaarnerit ilanngullugit nassiuuneqarnissaat kissaatigineqarpoq. Taamaanngippat sooq taamaannginnersoq nassuiarneqassasoq kissaatigineqarpoq.
8. Utoqqalinersiallit aammalu siusinaartumik pensionisiallit qassit kapitali 5 naapertorlugu killigitinneqartumut tapiissutitut taarsigassarsiaqarpat, aammalu taakku akornanni qassiuppat:
 - a) Kinguaattooruteqartut,
 - b) Allanngortitsinissamik qinnuteqarsimasut,
 - c) Isumakkeerneqarnissamik qinnuteqarsimasut,
 - d) Imaluunniit 2020-miit ullumikkumut qinnuteqaatiminnik itigartinneqarsimasut qassiuppat?
9. Inatsimmi kapitali 5 naapertorlugu taarsigassarsiat sinneruttut katillugit qanoq annertutigippat aammalu kinguaattoorutit katillugit qanoq annertutigippat, kommuninut agguataarlugit?
10. 2020-miit maannamut illut qassit akiliisinnaajunnaarnermik pissuteqartumik Namminersorlutik Oqartussanit utertinneqarsimappat imaluunniit tiguneqarsimappat, aammalu tamanna Nunatta Karsianut aningaasaqarneranut qanoq kinguneqarsimava?
11. Naalakkersuisut isumaqarpat ukiumut 180.000 kr.-inik isertitaqarnissamut killiliussaq ullumikkut sulit Inatsisartut inatsisaata siunertaanut naapertuuttuusoq, tassalu aningaasatigut ajornartorsiuteqartunut illuutiminnik piginnittunut ikiorsiisinnaanermut,



imaluunniit akit akissarsiallu ukiuni kingullerni ineriartornerat eqqarsaatigalugu inatsimmi siunertaq annikillismava?

12. Naalakkersuisut piareersimappat Inatsisartut inatsisaanni akiliutitut tapiissutitut taarsigassarsianut tunngatillugu isertitanut killiliussat siunissami akit imaluunniit akissarsiat nalinginnaasumik ineriartornerat malillugu ingerlaavartumik iluarsiivigineqartalernissaannut? Taamaanngippat Naalakkersuisut tunngavilersuinissaat kissaatigineqarpoq.

(Inatsisartunut ilaasortaq Erik Jensen, Siumut)

Tunngavilersuut:

Inatsisartut inatsisaanni akiliutitut tapiissutitut taarsigassarsiat pillugit kapitali 5 naapertorlugu akiliutissanik allanngortitsinissamut (konvertering), isumakkeerinissamut (eftergivelse) kiisalu akiliinissamut kinguartitsinissamut (henstand) periarfissat ilaatigut ukiumut isertitanut killiliussanik aalajangersakkanik tunngaveqarput. Ullumikkullu tamanna killiliussaq tassaavoq ukiumut 180.000 kr.-it.

Killiliussaq taanna ukiuni arlaqartuni allanngortinneqarsimanngilaq, naak Kalaallit Nunaanni inuuniarnikkut aningaasaqarnikkullu pissutsit ukiuni kingullerni annertunerujussuarmik qaffassimagaluartut. Inuussutissat, ineqarnermut aningaasartuutit, kiassarnermut innaallagissamullu aningaasartuutit, assartuussinermut aningaasartuutit kiisalu ulluinnarni pisariaqartitat assigiinngitsorpassuillu tamarmik malunnaatilimmik akisunerulernikuupput. Taamaattumik akissarsiat aamma inuiaqatigiinni aningaasarsiornikkut atugassarititaasut allanngorput.

Taamaattumik paasinarsisariaqarpoq, ullumikkut isertitanut killiliussat Inatsisartut inatsisaata siunertaanut suli naapertuunnersut, imaluunniit innuttaasut aningaasatigut ajornartorsiornernerannut, utoqqalinersiallinnut imaluunniit isertitakinnerusunut inuuniarnikkut atukkanut inatsimmi ikiorsiissutaasinnaasut iluaqutigisinnajunnaarnerannut pissutaaqataanersut.

Akissutit paasissutissanik pingaarutilinnik tunngaviliissapput, nalilersorneqarsinnaaniassammat isertitanut killiliussat naleqqussarneqassanersut imaluunniit Inatsisartut inatsisaanni aalajangersakkat nutarterneqassanersut, taamaaliornikkullu aqqissuussineq siunertamisut inuiaqatigiinni aningaasatigut ilungersuuteqartunut iluaqutaasinnaanersoq paasilluassallugu pingaaruteqarluni.

Apeqqutigineqartut ullut suliffiusut qulit iluanni akeqquneqarput.